

玄覽堂叢書續集

第六冊

中國經濟史綱要

■

目錄

懷陵流寇始終錄卷五

吳江戴笠耘野

崑山吳文脩齡

五年壬申春正月己亥朔賊掠洛川

延綏賊惡虎邢紅狼一丈青混天猴先以千餘人攻三水不克
乃詐為米商入宜君壬寅城陷知縣李迪康守備田恭杞總
馬麒俱遁麒兵五百被脅入營殺鄉官趙仕父子城民死者
四十餘人次日渡洛河去

上從陝西巡按吳牲奏免延安慶陽新餉洪承疇請留西縣馬
翔餉銀二十萬以勸寇勸農許之

山西巡撫宋統殷請留所裁驛遞銀十萬以供軍費許之

總督洪承疇奏延綏東西幾二千里隨臣來去止有兵五百僅可防守郡延不能入山擊賊如賀虎臣楊嘉謨曹文詔等各
有分地俱去臣數百里何以集事

巡撫宋統殷擊賊斬四百級擒百人

時山西巡按羅世錦奏陝兵驅陝賊入山西以隣國為壑科臣
山西裴君錫奏當令陝西撫鎮驅賊回陝西乃議勦撫一時
朝士智識如此

甲子前通政使陝西馬鳴世奏廟堂之上誤謂延安慶陽一隅
之地不關全陝輕重今不關天下得失又誤視流賊為飢民
無大勢力而不知事有不然者若不亟增大兵措大餉為一
勞永逸之計惟如目前官兵流寇東馳西驚天下事尚忌言

哉

降賊申在庭馬丙貴據葭州之荷葉坪參將唐通以八百人擊走之斬百級初榆林道張福臻以兵盡入衛不得已招拓亨党雄等收精健五六百人入伍置其衆於石嘴田莊以通南北糧道吳姓賑榆林過其地降丁鮮衣怒馬控弦插羽前驅調征延南賊能衝鋒直進其黨時時掠糧頭目弗能盡制不沾泥反招去攻綏德州掠義合驛義合為榆林通道賊從中發南北路斷晉商不至斗米銀六錢福臻誘亨雄及王得貴高凌志等七人斬之王承恩以兵擊斬二百級餘賊走西川初曹文詔官定邊營時收塞外哈台吉部丁勒山西盜頗得其力文詔回陝西其丁謂定邊空虛潛約河套着力兔以三百

騎逼塞上求款文詔在暗門與定邊總兵 應昌同知趙之
庠計議未決丁卯總兵孫顯祖逃兵誘定邊降套內應着
力免欲入城千總王希武張射奎出城拒戰文詔等合擊斬
百四十級却之千總李世科戰沒文詔奉檄還定邊

黃友才劉五可天飛等攻環縣之萬安鎮同原道王振奇甘肅
總兵楊嘉謨寧夏總兵賀虎臣擊之黃友才中銳无賊敗退
官兵駐曲子驛在環縣南治糧圖再進

山西賊屯延家山孫顯祖以內官孫霖之把牌王承詔等分三
路擊之于解店鎮斬百三十級殺隔溝飛等賊逃猗氏官兵
追及復大戰從卯至未追殺十五里外斬賊將三人又追至
夏縣洪水鎮殺賊甚多賊伴乞撫夜劫營有備不得入顯祖

自閏十一月至年終在寧鄉石樓樓山聞喜河津一帶前後
斬獲三千三百餘級官兵纔二千餘而賊飛虎將闖天玉石
竈火柞手李晉王樊山虎小紅狼蝎子塊定天紅撞天柱賴
收拾強天王李存孝翻天鷄曹操一隻虎一字王等衆至二
十餘萬日勦日益

二月己巳朔庚午降賊雲文月敬淳化庠生高起鳳家甚貧賊
掠其繼母秦妹荆媧去索二馬以贖起鳳求得一馬賊予母
留妹起鳳与妹訣曰我去汝即死遂持母歸賊遣騎遮留欲
以為書記起鳳罵曰吾讀聖賢書作盜賊事乎賊怒截其四
指衆刃殺之荆媧年十六賊陳金貝曰唯汝用之媧不語擁
之上馬倒地賊怒割髮裂衣不動砍喉而死

東川西川綿亘數百里高山深澗鳥道羊腸久為盜藪官兵不
至東川東有鑊角城西川通平涼回原黃友才死可天飛敗
歸治兵招郝臨菴等協守楊嘉謨賀虎臣自曲子驛以兵深
入二百里至湫溝去鑊角城三十里賊數千列營山頭擊之
佯敗乞降

癸酉各山皆賊戰酣伏賊起馬兵先走步兵潰虎臣大營隔山
溝不能救甘肅營參將潘維忠戰死殺傷相當士氣大挫事
聞嘉謨戴罪事由延慶道周日強曲庇虎臣與嘉謨有隙以
致此敗巡按吳牲劾之疏曰周日強本寧縣知縣神一魁圖
慶陽據合水日強力主招撫釀成大亂臣曾參奏之皇上責
以戴罪自贖大兵集環慶時計程甚近而日強遷延不進動

言招安以懈士心楊鶴拔為監司一籌莫展楊嘉謨等領兵而西不為預辦糧草致兵士擾害民間去歲劉郝諸賊擁衆萬餘分道侵掠非關內道崔師雍越境討賊斬八百餘級慶陽危矣當慶陽被圍士民效死固守十餘晝夜定邊副將張應昌領邊兵三千出賊不意搗其中堅賊大敗走士民皆欲乘勝勦除而日強慮撓撫局蜚語騰謗以致應昌灰心撤兵而還日強所撫劉六劉五安插于鎮角城據為巢窟又黃友才等攻破米鉢堡日強又遣人講撫友才遺書語殊悖逆幸友才中砲死耳否則危矣日強身在行間宜和輯將士以圖克敵而徇鄉戚私情左袒賀虎臣致與楊嘉謨有隙鎮將不和以致此日西川之敗慶陽危地安可容此庸劣監司命吏

部議處

慶陽知府朱統見巡按吳牲於耀州曰賊在環縣山中謀攻郡城甚急惟有甘肅總兵楊嘉謨兵千餘而驕悍難制今制府勦延北賊撫院防禦西安視此地若甌脫萬一失守貽朝廷憂故事巡按治事寧州不至慶陽性感純言特往慶陽遺書承疇請兵

已卯寧塞賊合鏃角城賊圍慶陽城中固守

討論曰觀吳鹿文隆坊慶陽二事不獨忠直實有膽思若用以當楊鶴之任賊久平矣○有于此日載張應昌擊賊圍解者乃四年二月神一魁事之說也若圍解何須文詔來救

庚寅混天猴攻陷鄜州僉事郭應響出禦死之

癸巳總兵曹文詔自定邊敗賊于南家壘斬百級

有賊四千餘犯武鄉教操守張一龍樂平鄉兵六百人禦賊而

敗

乙未前總兵杜文煥下獄以吳姓勘工三年十月在綏德殷良民有實狀也

戊戌孫顯祖部將劉敏元勦賊靜樂逃歸顯祖不治

三月戊戌朔部兵三百人辭索餉顯祖與監視內官孫霖懾止之巡撫宋統殷劾去顯祖

寧塞餘黨合環縣賊李鄧楊老豺等破鎮原知縣董三謨及妻李氏死之屯蒲河澗欲犯平涼練國事自涇縣馳至固原徵道臣王振奇副將王性善守諸要口平涼道徐如翰副將董志義守涇縣馬關諸嶺總兵楊嘉謨遊擊趙光遠緝姦細振奇又令回兵把總海喬扼險堵截賊不得逞退入方山事聞

卹三謨

討論曰有載此于正月又合西寧之戰為一事者大謬也

洪承疇遣曹文詔以兵三千救慶陽

壬寅文詔至按臣吳牲

揚言休兵一月賊初聞文詔來懼欲遁去聞牲言意懈分掠

近郊官兵出城賊猶未知

庚戌文詔與甘肅總兵楊嘉謨大破賊于西壕文詔所部戰甚

力拔賊三屯窮追兩日夜血戰數十合斬級七百承疇所遣

副將王振奇王性善斬級三百時稱戰功第一牲從容問文

詔曰制府何故不能得將軍心文詔曰制府為人煦煦小仁

御士無誠心遇事無雄畧英斷文詔從軍數年有功將吏不

錄一人牲問其誰文詔以馮舉曹變蛟等六七人對牲薦于

朝予官文詔感牲次骨

山西兵不知火器錦衣都督張道濬以建言謫戍雁門宋統殷檄召為軍前贊畫道濬知兵能戰有家丁令督造火器

癸丑游擊王尚義與汾營遊擊劉光祚擊賊于臨縣之三教村
前鋒斬一賊餘賊皆退官兵逐之伍亂賊反關光祚大敗僅
以身免賊東出岳陽將犯沁水道濬由浮山間道出賊前截
之

楊嘉謨曹文詔以兵三千五百擊混天侯於寧州 丁巳別賊
圍環縣欲由關山犯鳳翔時練國事兵已赴平涼承疇麾下
無兵惟曲子驛在環縣境有賀虎臣兵三千七百

庚申西濠敗賊二千合鉄角城賊江君友等趨平涼官兵追之
不能及 壬戌賊詐為官兵陷華亭知縣徐兆麟履任才七

日出謁上臺得免殺教官鄒邦榮兆麟竟以失城棄市

丁卯上命所在流民有司發倉賑卹

討論曰不用李詳極之言而下流塞水何益

夏四月戊辰朔己巳總兵曹文詔楊嘉謨等兵至華亭江君友

等追庚午王老虎等攻莊浪縣焚城文詔等追至解圍去

文詔嘉謨遣都司靳桂香遊擊曹變蛟馮舉劉成功守備金

守亮李登榜等追擊辛未戰于張麻村共斬五百級適甘

肅副將李鴻嗣參將吳如京固原總兵王性善兵亦至與文

詔嘉謨合營遣趙光遠方懋功以兵一千五百回守慶陽按

臣吳姓自馳至鳳翔檄關南道防守鳳縣略陽之路關西道

防守隴州寶雞之路

乙亥山西賊犯沁水寧武營裨將猛忠陣於端民鎮張道濬命

家將張道法張瓚以家丁助戰忠衝賊入伏戰死于平頭山
嶺臨陣拔出忠兵賊南趨澤州阻河北掠長子

丁丑曹文詔楊嘉謨等追江君友至咸宜關馮舉李登榜等自
創力戰破賊斬百級 己卯文詔等又戰於三股水斬七十
餘級 壬午追至翟家莊賊走隴安司將紀寶難知有備北

走 己丑至清水副將蔣一陽把總徐承麟敗死都司李忠

用被擒掠長寧驛守備劉奇勲千總翟英以兵禦之鳳翔通

判張廷極與賊議撫於涼泉鋪奇勲英以兵自去廷極被擄

後皆治罪賊走張家川文詔從隴安司追至用間殺江君友

官兵乘之戰於水洛城西又大破之 癸巳追至靜寧州賊

走唐毛山曹變蛟等擊之岩磴險絕令遊擊馮舉參將吳弘

器等上山擊之賊潰斬六十級生擒二十賊奔華亭追擊敗

之吳姓奏捷請免楊嘉謨戴罪進文詔官

討論曰有載此事于四年四五月者

誤以西壕敗賊及楊嘉謨戴罪証之可知在此為的

不沾泥在西川立十七哨六十四砦一甲午攻米脂葭州延撫

張福臻榆林道樊一蘅總兵王承恩率孤山副將侯拱極都

司父万年唐通署副將卜應第遊擊文鼎心和應薦費芑宰

左光先崔重亨丁世虎都司張天礼守備賀人龍等馬步三

千會洪承疇于雙湖塔疊賊巢為營遣孫守法以兵截河津

不沾泥戰敗走至含峪為馬科所追以二十七騎過河東走

守法追之於河東三十里賊急反鬪守法擒不沾泥劉民悅

斬之于綏德福臻釋俘省李成林令諭出完黨三百人承疇

伏張天札唐通等於幕下賊至悉驅出斬之

五月戊戌朔萬安監地聯延慶有來倉溝為平固要道東寇
舉足即至自春至夏五被侵掠錄事周弘化能擊賊數有戰
功庚戌賊又至弘化與千總孫愈賢以健丁擊賊於賀家
莊賊退去弘化戰死

六月丁卯朔曹文詔楊嘉謨又擊隴州餘賊文詔戰于方山原
在河西二百里斬百級降七十人己巳又擊斬百餘級賊宵遁

辛未追斬三百餘級巡按吳牲奏曰鉄角城賊巢猶謀良民
於其中故可有誅有赦平涼隴州本無一賊唯是邊寇流入
故臣責成楊嘉謨曹文詔窮勦旬日華亭隴州諸寇俱盡其
北逃者楊麒斬二百級固原之賊漸盡自西壕至此血戰十